

ՅՈՒՐԻ ԳԱՐՐԻԵԼՅԱՆ

ՀՆԴԵՎՐՈՊԱԿԱՆ ԱՐՄԱՏԻ ԿԱԶՄՈՒԹՅԱՆ
ՍԱՀՄԱՆԱՓԱԿՄԱՆ ԽՆԴԻՐԸ

Հնդեվրոպաբանները վաղուց են նկատել, որ գոյություն են ունեցել հնդեվրոպական արմատի հնչույթային կազմության սահմանափակումներ, ինչպես, օրինակ՝ բացառվում են պարզ ծայնեղով սկսվող և վերջացող (*bed կամ *ged) կամ շնչեղ ծայնեղով սկսվող ու պարզ խուլով վերջացող և հակառակ հաջորդականությամբ կազմվող արմատները (*bhet կամ *tebh): Այդ թվում նշենք նաև այն փաստը, որ միևնույն ձևաբանական տարրը *e-ից հետո չի կարող կողք կողքի ունենալ երկու ծայնորդներ, այսինքն՝ բացառվում են *teul- կամ *teirp- տիպի ձևերը ևս: Միևնույն ժամանակ, եթե պարզ խուլին նախորդում է *s շփականը, ապա հնարավոր է *stebh տիպը:¹ Բազմաթիվ լեզվաբաններ, անշուշտ, փորձել են նաև բացատրել այդ սահմանափակումների էությունը, ինչը, սակայն, վիճաբանությունների տեղիք է տալիս այն պատճառով, որ եթե դեռ հնդեվրոպական միասնության շրջանին հատկացվող *sed-to>*setto կամ *pettro->*petro- տիպի զարգացումները ինչ-որ չափով բացատրելի են, ապա նույնը չի կարելի ասել *buddh-to>*buddho անցման մասին: Ասենք նաև, որ թե՛ հիշյալ սահմանափակումները և թե՛ դրանց պատճառների վերլուծությունը հիմնականում կատարվել է հին հնդկերենի /սանսկրիտի/ տվյալներից ելնելով: Բարթոլոմեի հայտնի օրենքը սահմանում է, որ շնչեղ ծայնեղ→ խուլ հաջորդականությունն արդեն հնդեվրոպական միասնության շրջա-

¹ Мейе А., Введение в сравнительное изучение индоевропейских языков. М.-Л., 1938, с.176-192.

նում փոխվում է ծայնեղ→ շնչեղ ծայնեղ (սնսկ.budh-tá>buddha) հաջորդականությամբ: Նման փոփոխությունը համարվում է առաջընթաց առնմանում ըստ ծայնեղության հատկանիշի, այն դեպքում, երբ հնդեվրոպաբանության մի շարք ներկայացուցիչներ ընդունում են շնչեղ → խուլ և ապա ոչ շնչեղ → ծայնեղ հաջորդական զարգացումը (budh-ta→bud-tħa→buddha), այն համարելով շնչեղության հատկանիշի բնական տեղաշարժ: Այսինքն, երբ ի հայտ են գալիս շնչեղ խուլերը, ապա նախկին շնչեղները վերածվում են շնչեղ ծայնեղների:¹ Սակայն երկու դեպքում էլ քննարկվող խնդրի մեջ որոշակի պարզություն չի մտցվում այն պատճառով, որ իրականում ունենք երկու միաժամանակյա գործընթացներ՝ առնմանում և շնչեղության հատկանիշի փոխանցում հաջորդ բաղաձայնին, որը տիպաբանորեն անհավանական է: Խնդիրը բարդանում է նաև այն համգամաձեռվ, որ վկայված արմատական ձևերը հնդեվրոպական առանձին լեզուներում համարժեք չեն: Ինչպես, օրինակ, համեմատելով հ.ե. *nīzdo-ից բխեցվող սնսկ. sīdati „նստել,, լատ.sedeo, հսլավ. saditi և հայ.nist (nstim) ձևերը, ենթադրվում է, որ սանսկրիտի և լատիներենի համեմատությամբ հայերեն համապատասխանն ավելի ուշ վիճակ է ներկայացնում: Կարելի էր, անշուշտ, հետևելով Ե.Կուրիլովիչին, հրաժարվել այս խնդրի հե-տագա քննարկումից և բավարարվել այն պնդմամբ, որ Բարթոլոմեի օրենքը վերաբերում է միայն հին հնդկերենի զարգացման ավելի ուշ շրջանին և մյուս հնդեվրոպական լեզուների վրա տարածել չի կարելի: Կարծում ենք, սակայն, որ հին հնդկերենը ևս իր զարգացման ցանկացած փուլում պետք է արտացոլեր նախալեզվի առանձնահատկությունները և, բնականաբար, հիշյալ օրենքը նույնպես կներկայացներ նրան բնորոշ միտումների համապատասխան դրսևորումը:

Ըստ Թ.Գամկրելիձեի և Վ.Իվանովի կողմից առաջ քաշված „կատկայինների տեսության,, ավանդական վերականգնմամբ բացառվող *deg տիպը փոխարինվում է կատկայնացված պայթականներից կազմված *ʔek՝ ձևով և հիշյալ սահմանափակումը բացատրվում է այդ հնչյունների արտասանական յու-

¹ Kurylowicz J., L'apophonie en indoeuropéen, Wrocław, 1956, p.379.

րահատկություններով: Տվյալ դեպքում նկատի է առնվում այն հանգամանքը, որ բնախոսական առումով դրանց արտաբերումը նույն հնչյունաշարքում գործնականում անհնար է, իսկ ավանդական *deg և *ged տիպի սահմանափակումները տիպաբանորեն չեն արդարացվում: Նշված լեզվաբանների կարծիքով, կատկայնացված հնչյունները նույն արմատի կազմում կարող են գոյակցել բոլոր պարզ և շնչեղ խուլ պայթականների հետ:¹ Սա, կարելի է ասել, հիշյալ տեսության ուժեղ կողմն է: Սյուս կողմից, սակայն, նույն մոտեցմամբ կրկին հնարավոր չէ հստակորեն բացատրել *tebh և *bhet տիպի սահմանափակումները: Գամկրելիձեն և Իվանովը ենթադրում են, որ նույն արմատի կազմում ոչ կատկայնացված պայթականները պետք է բնութագրվեն ծայնեղության և խլության միևնույն հատկանիշով: Այսինքն, հնարավոր են միայն *d^[h]ed^[h] կամ *t^[h]et^[h] տիպերը, իսկ *d^[h]et^[h] և *t^[h]ed^[h] կազմությունների սահմանափակումները նրանք համարում են բաղաձայն տարրերից մեկի՝ ըստ ծայնեղության կամ խլության հատկանիշի տարաժամանակյա առնմանության հետևանք: Այդպիսով նրանք սահմանում են հետևյալ զարգացումը. *b^hud^h- + -t^ho- → *bud^h- + t^ho- → *bud-t^ho- հին հնդկերեն buddha-, որը տարնմանության և առնմանության երևույթների քիչ հավանական հերթագայություն է: Ուստի երկրորդ տիպի (*bhet) սահմանափակման հարցում այս տեսությունը կրկին վերջնական պարզություն չի մտցնում, եթե չասենք, որ ավելի է բարդացնում այն: Բացի այդ, եթե հիմք ենք ընդունում հիշյալ մեկնաբանությունը, ապա հնդեվրոպական արմատի բացառվող տիպերի քանակը կա՛մ ավելի շատ է, քան ընդունվում է, կա՛մ էլ պետք է հանգեցնել միայն մեկին, քանի որ թեև ավանդական *ged և *deg սահմանափակումներն իսկապես չեն արդարացվում տիպաբանորեն, սակայն, *d^[h]et^[h] և *t^[h]ed^[h] բացառվող կազմություններն էլ չեն հիմնավորվում ծագումնաբանական փաստերով և մնում են որպես սոսկ տիպաբանական վերացարկումներ:

¹ Гамкрелидзе Т., Иванов В., Индоевропейский язык и индоевропейцы, т.1, Тбилиси, 1981, с.18-20:

Քանի որ Բարթոլոմեի օրենքը, ըստ էության, վերաբերում է հին հնդկերենի ձևաբանական կառույցներում առկա առաջնալեզվային պայթականների փոխհարաբերությանը, վերոհիշյալ տեսակետի հիմնավորման համար կարևոր նշանակություն ունի t և d բաղաձայններով վերջացող հնդեվրոպական արմատների առանձնահատկությունների ճշգրտումը: Հնդեվրոպաբանության մեջ գոյություն ունի այն տեսակետը, որ եթե հիմքի կազմում հիշյալ հնչյուններին հաջորդում են համապատասխան պայթականով սկսվող ձևույթներ /ինչպես, օրինակ՝ բայական ծագմամբ ածականների, անունների կամ գործող անուն նշանակող $*-to-$, $*-ti-$, $*-tu-$, $*-tor-$ առաջնային ձևույթները/, ապա այստեղ դեռ հնդեվրոպական միասության շրջանում առաջանում է s ածականը, որը հետագայում կարող է ենթարկվել տարբեր փոփոխությունների: Ասվածը ներկայացվում է $*t - i > *tst(>*st)$ և $*d - d^{[h]} > *dzd(*zd)$ զարգացումների տեսքով, որը պայմանականորեն ձևակերպվում է $\acute{o} \rightarrow T/T -T$ բանաձևով: Այս առումով նշենք, որ հավանական համարելով նման զարգացում միայն խուլերի համար, չի կարելի նույնը ասել ձայնեղների մասին, քանի որ հիշյալ s -ն կարող էր ի հայտ գալ միայն ուժեղ լարված բաղաձայնների փոխազդեցության հետևանքով, իսկ ձայնեղ z -ն անմիջականորեն չպետք է բխեցնել $*d - d^{[h]}$ հաջորդականությունից /եթե ընդունելի ենք դիտում հնդեվրոպական բարբառներում ձայնեղների տարբեր զարգացումների դրույթը/ և ավելի ճիշտ կլիներ այն համարել հիշյալ s -ի հետագա ձայնեղացման արդյունք: Այդ դեպքում ավելի հավանական է թվում $*-st > *-sd > -zd^{[h]}$ զարգացումը որոշ հետմորդ լեզուներում: Կարծում ենք ասվածը հիմնավորելի է ոչ միայն տիպաբանորեն, այլև համապատասխան ծագումնաբանական փաստերով. հմմտ. հայ. *hast*, զենդ. *basta*, հուն. $\beta\alpha\theta\alpha\upsilon\varsigma$, գոթ. *fastn*; հայ. *dustr*, հին շվեդ. *dotter*, հին բարձր գերմ. *tohtér*, հին սլավ. *dušti*; հայ. *azd-r* (*ast-r*-ին զուգահեռ), հին սլավ. *stegno* „ազդր“, „սնսկ. *ásthi* „ոսկոր“, „հայ. *kit'* (*ka'il*), լատ. *skateō* „խփել“, „լիտվ. *skastu* „թողնել“, „հայ. *čtim* „ճանկռել“, „հինդկ. *chiātti*, հուն. $\sigma\chi\acute{\iota}\zeta\omega$ „պատռել, ճեղքել“, „ինչպես նաև հայ. *ost*, գոթ. *asts* „ճյուղ“, „հրգ. *ast* „ճյուղ, ոստ“, „հուն.

ծՀօց „ծյուղ, ոստ,, /ավանդական վերականգնմամբ *o-zdos-ից/: Հատկապես հատկանշական են *sed-> հայ. ուտ, հինդկ. ուտā, ուտāh „հանգստավայր,, / ինչպես նաև sattā-„իջեցված, նստեցված,,/, գոթ. setum „նստել,, , հին իսլանդ. sitja „նստել, բնակվել,, , լատ.sedeō, sessum, հին քարձր գերմ. sezen /նաև nest „բույն,,/, հին սլավ. сѣсто, нѣсѣдо համապատասխանությունները: Սովորաբար նախնական *sed- „նստել,, ձևը վերականգնվում է ըստ լատինե-րենի փաստերի: Այդ դեպքում, բնականաբար, հայերենի ուտ-ը դիտվում է ավելի ուշ ձև, որի զարգացումը, սակայն, դժվար է բացատրվում: „Կատկային-ների տեսության,, կողմնակիցները նախկին *sed-ը փոխարինում են *set'-ով, որը կարծես ինչ-որ չափով պարզում է դրությունը, բայց հայ. ուտ – հինդկ. sattā համապատասխանության էությունը վերջնակա-նապես չի ճշտում: Նշենք նաև, որ երկու ատամնայինների միջև վերոհիշյալ s-ի (§ արժեքով իրացմամբ) առաջացման երևույթը կարելի է տեսնել նաև մոստրատիկ փաստերում, ինչը կարող է վճռորոշ նշանակություն ունենալ տվյալ հարցի լուծման մեջ: Այսպես, օրինակ՝ սեմ. *-t-t-r „աստվածային աստղ,, , արամ. ʾṯr, աքքադ. ištār, եբր. ʾaštōret ~ հ.ե. *(a)ster- „աստղ,, , հինդկ. stṛ-bhis (հոգն. գործ.), ավեստ. stārθm, խեթ. aštira-, հայ. asti, հուն. ἄστρον, լատ. stella և այլն:¹ Ամեն դպքում հայերենի վերոհիշյալ ձևի առավել հնատիպ բնույթը, մեր կարծիքով, ակնհայտ է, իսկ հինդկ. sattā-ի հարցում կարելի է ընդունելի դիտել այն պնդումը, որ այստեղ ունենք *-tst->tt զարգացումը: Նկատի ունենալով նաև, որ ավանդաբար վերականգնվող *nizdo- „բույն,, ձևը վկայում է *ni-sed „նստել, տեղավորվել,, բայի գոյությունը, որտեղ ni-ն տարածական հարաբերություն արտահայտող (ներքև) մասնիկ է, ապա կարելի է ասել, որ միայն հայերենը և գերմանական լեզուներն են պահպանել այդ նախնական արմատը:

¹ Möller H., Vergleichendes indogermanisch – semitisches Wörterbuch, Göttingen, 1911. S.44.

Այսպիսով, եթե ելնում ենք „կատկայինների տեսությունից,, , ապա ըստ վերը կատարված վերլուծությունների պետք է ենթադրել, որ ավանդական մեկնաբանությամբ բացառվող արմատական ձևերը մի դեպքում հիմնավորվում են նույն կազմության մեջ կատկայնացված հնչույթների անհամատեղելիությամբ, իսկ մյուսում (*b^[h]et կամ *teb^[h]), որտեղ շնչեղությունը դիտվում է որպես հավելյալ հատկանիշ) գործ ունենք ավելի հին ձևերի հետ, որոնք իրականում այդպիսիք չեն: Մեր կարծիքով, քննարկվող հարցում, որոշ վերապահումներով անշուշտ, ավելի իրական է թվում Ե.Կուրիլովիչի վերոհիշյալ մեկնաբանությունը, եթե հիմք ենք ընդունում մաև Է.Բենվենիստի այն տեսակետը, որ CVC կազմություններում անհամատեղելի են տեղայնացման նույն հատկանիշներով բնութագրվող բաղաձայնները:¹ Այս ամենի հաշվառումով կարող ենք եզրակացնել, որ CVC տիպի համար ընդունելի է միայն մեկ սահմանափակում. նույն կազմության մեջ անհամատեղելի են լարվածության քանակական կամ որակական միևնույն հատկանիշներով բնութագրվող հնչյունները: Հարկ է նշել, որ արդի լեզվաբանության մեջ հնչյունների լարվածությունը բնութագրվում է արտասանական օրգանների մկանային լարվածության /քանակական կողմ/ և արտաբերման ուժի /որակական կողմ/ փոխհարաբերությամբ, որոնք միմյանց նկատմամբ գտնվում են հակադարձ համեմատական կապի մեջ:²

Այլ մոտեցմամբ մոտավորապես նման կարծիք է հայտնում մաև Օ.Շիրոկովը: Ընդունելով, որ հնդեվրոպական շեշտը եղել է բարձրության /երաժշտական/ և քննելով հայերենի համապատասխան փաստերը, մա գտնում է, որ բացառվող արմատական կազմությունների պատճառը շեշտահաջորդ բաղաձայնի առավել լարված արտասանությունն է, որի հետևանքով նախաշեշտ լարված բաղաձայնը վերածվում է թույլ լարվածի: Որպես ասվածի հիմնավորում լեզվաբանը տեսնում է Վեռների հայտնի օրենքը և եզրակացնում, որ հին

¹ Бенвенист Э., Индоевропейское именное словообразование, М., 1955, с. 47.

² Գաբրիելյան Յու., Հայերենը և նախահնդեվրոպական լեզուն, Եր., 2001, էջ 83:

հնդկերենի datta-, jukta- ձևերն ավելի հին են, քան dagdhā-, labdha և նման այլ կառույցները, որոնք հին հնդկերենի ինքնուրույն զարգացման արդյունք են: Ինչ վերաբերում է հայերենի պարզ և շնչեղ խուլերի հակադրությանը /որպես լարվածի և ոչ լարվածի/, Շիրոկովը կարծում է, որ այն բնորոշ է եղել հնագույն հայերենին, որոնք վանկ-ձևության կազմում կարող էին ունենալ տար-բեր իրացումներ: Ընդհանուր առմամբ նա հաստատում է նաև ծայնեղների զարգացման տիպաբանական հնարավորությունները՝ լարվածների թուլացմամբ կամ ոչ լարվածների ուժեղացմամբ:¹ Այս տեսակետի վիճելի կողմն այն է, որ հաճախ նույն լեզվում ունենում ենք թե՛ ուժգնության և թե՛ բարձրության շեշտ՝ դրանցից որևէ մեկի գերակայությամբ: Նկատի ունենալով նաև, որ լեզվի զարգացման ընթացքում դրանց հարաբերակցությունը կարող է փոխվել, ապա դժվար է միանշանակ կերպով պնդել, որ հնդեվրոպական վիճակին բնորոշ է եղել շեշտի այս կամ այն տիպը: Այս առումով նշենք, որ ըստ Յ.Յիրտի, վաղ հնդեվրոպական շրջանում գերիշխել է ուժգնության շեշտը, իսկ ավելի ուշ՝ բարձրության: Հետևաբար կարող ենք ասել, որ հնդեվրոպական արմատի կազմության վերոհիշյալ սահմանափակումների խնդիրը կարելի է բացատրել միայն ծայնեղ /պարզ և շնչեղ/ բաղաձայնների հետևորդ լեզուներում տարբեր ժամանակագրական զարգացումներով: Այսինքն՝ հնդեվրոպական նախալեզվին բնորոշ է եղել արմատի կազմության միայն մեկ սահմանափակում, որը ներկայացվեց վերը: Ընդ որում այստեղ ելնում ենք հնդեվրոպաբանության մեջ գոյություն ունեցող աթեմատիկ հիմքերի նախնականության, ինչպես նաև այն դրույթից, որ արմատի ժավալումը հնդեվրոպական տարբեր լեզուներում տեղի է ունեցել տարբեր կերպ, թեև ընդհանուր միտումների հիման վրա:²

¹ Широков О. С., Общеиндоевропейский и армянский консонантизм, Միջազգային հայերենագիտական գիտաժողովի զեկուցումներ, Եր., 1984, էջ 123-131:

² Meier-Brügger M., Mayrhofer M., Indogermanische Sprachwissenschaft, Berlin- New York, 2000, S. 18-19.